

KU PETAHALA



. . . Ni kuba mo ku to lapela hamoho ni mina. Mi cwale Liñusa li si ka kalisa kale, Ni na ni mulikana ka yomunde kwapili kwanu busihu boo, Dokota Lee Vayle, yazwa kwa keleke ya First Baptist kwa Lima, Ohio, nali alimuñwi wa batusi baka mwa mukopano wa kwa Lima. Ni mukupile, ka za kutaha kwanu busihu boo, kuli ato bulela fela neba linzwi kwa kopano, mwendi ze ama mukopano wa kwa Lima, ka muzuzu otatama kamba yemibeli. Mi Ni tabile kuba, ni tabile ku mi zibahalisa busihu boo, Dokota Lee Vayle, mu Baptist yomuñwi ya na ni Moya o Kenile.

² [Muzwale Lee Vayle ubulela ka mizuzu ye mashumi ni yemine, kupaka za babañata baba folisizwe.—Mu.] Amen. Mulimu aku fuyole, Muzwale Vayle, hape.

³ Zani neli zetiile luli ku mulisana wa Baptist, nji cwani? Kihande, lu tabile hahulu kuba ni Muzwale Vayle hamoho ni luna. Mi mane likwalo likwaluhile ku yena kuli atahe ato lu potela ka nako kaufela ya kona. Mi cwale busihu boo . . .

Kamusu busihu ki ka za—*Za Kepelo Ya Mulena Jesu.*

⁴ La Sunda kakusasana ki sebelezo ka nako ya sikisi kiloko halipazula. Mi Na lumela muzwale u zibahalisize siemba sa mafelelezo sa sebelezo.

Cwale ha lu lapeleñi fa nako nyana.

⁵ Mulena ya fuyozwi, Linzwi la Hao kona Niti, mi luitumela ku muuna ya Li bukeleza, asa sabi, habanze ba Li tambeka kwa sicaba. Mi sina ha lu apula Bibebe busihu boo, kamba kuapula makepe a Yona, cwale Moya o Kenile o fuyozwi utahe mi ukwalule Linzwi la kutwisiso ku luna. Ka Jesu Krete, wa kupa. Amen.

⁶ Busihu bobutuna bo lusweli ku nyakalala boo, bwa ku kokotelwa kwa Mulena ya fuyozwi, Ni tabela kubala busihu boo kuzwa mwa milomo yeminde ya Hae Tota, Manzwi a Na ñozi mwa Buka ya Hae. Ku Muñoli Mateu, kauhanyo ya 4, luna . . . ni timana ya 47 ni ya 48, lu bala cwana:

Mi ha mu itumelisa ni bana bahabo mina fela, mu fita babañwi mwa ñi? hanili ni batelisi ki mo baezeza ni bona?

Mi cwale mu be ba ba petehile, sina Ndata mina ya kwa lihalimu hali ya petehile.

⁷ Mi busihu boo lubulezi kale kuli lu ka ambola fa tuto yakuli *Kupetaha*. Cwale luna . . . Yeo ibonahala kuba palo ye ipitezi sihulu ka kuba busihu bwa ku kokotelwa kwa Mulena luna. Kono kacenu, mwendi, nemusweli kuteeleza kwa silimba, mane

mu utwile mañusa a shutana ni balumiwa, mo ba bulelezi kuama lizazi le li sabisa lelituna lani la Mulena luna ya na shwezi libi za lifasi. Kacwalo Ni ketile, busihu boo, kuli ni ye ka nzila yeshutana, kuli nifite ku lona, kuli ikone kuba nto yeshutana nyana mi ikone ku mi katulusa nyana. Mi cwale Moya o Kenile o fuyozwi u toze Linzwi cwale halunze lu ikataza ku Li shitula.

⁸ Mulimu u tokwa kupetahala. Lu bata kuli lube ni zeo mwa minahano ya luna, kuli hakuna se si kona kutaha Fapila Mulimu licika. Si lukela kupetahala, milapelo yaluna, lika kaufela.

⁹ Cwale, mwa simu ya Edeni, Mulimu nana ni Adama ni Eva mwa simu. Mi ba eza sibi ni kufoseza milao ya Mulimu, ka kueza sibi, ku sa utwela. Mi cwale kutula mulao ha kuezahala, ku sa utwela kona kutula mulao. Mi mulao wa Mulimu, Yena ka kuba ya kenile, ukenile asina litiba, kabakaleo hakuna litiba la kusakena le likona kuyema Fapila Hae. Kacwalo, haiba sibi si tile mwa lifasi ka kufosa, kipeto sibi siswanela ku feliswa mane muezalibi a si ka yema kale Fapila Mulimu.

¹⁰ Cwale, haiba hakuna mulao, kipeto hakuna kuluka. Kono mulao wa tokwahala, kamba kuluka ku tokwa mulao. Mi mulao, ha se uli—ha se u bizizwe, u bonahalisa kuluka.

¹¹ Cwale, ka mulao, hakuna nama yekona kupiliswa. Cwale, mulao haukoni ku lu pilisa. Mulao neli yona taba ye ne lu beya mwa tolongo, kono hauna mata akona ku liulula. Mulao fela no lu bonisa kuli lu baezalibi, ni ku lu nyaza. Kona so lukela kueza mulao. Ki kutisa katulo, kamba ku kubonisa fo kuna ni mafosisa a hao. Kacwalo he mulao, ku ona kasibili, haukoni kupilisa. U kona fela ku zekisa.

¹² Mi Mulimu, kakuba ya kenile ni ya lukile, Nana ni kuba ni kuzekisa. Nana ni kuzekisa muezalibi kakuli na sa silezi hahulu kwabuse bwa milulwani ya sishemo, mi aba mutu ya tuzi mulao. Mi, yoo una ni kufiwa mulatu.

¹³ Mi mulao kaufela una ni koto, kakuli koto ya kutula mulao wa Mulimu ki lifu. Mi neina ni kutisa lifu kwa lusika lwa batu. Mi masika a batu kaufela a mwatasi a koto ya mulao woo.

¹⁴ Cwale, fani Adama ni Eva haba eza sibi, nekusina nzila isili, nekusina mukwa usili kaufela mo ne ba ka yemela Fapila Mulimu hape, konji fela kuli sibi si talimiwe. Mi hakuna mutu yakona kueza sibi sa mufuta kaufela, hakuna taba kamba ki sesinyinyani cwani kamba sesituna, sibi silisiñwi sani sina ni kufeliswa kuli yena ya si ezize akone kuyema Fapila Mulimu ya Kenile.

¹⁵ Kacwalo, kabakaleo, fani Adama ni Eva hane ba ezize sibi ni kutula mulao, nebali batamiwa ba lifu. Mi mulao no na ni ku zekiswa, kabakaleo wa beya lusika lwa batu kamukana mwa lifu. Cwale haiba lukona fela kuina ka linako zelikani cwale, mwa minahano yaluna, ni kotalima siswaniso sesituna se, mi muhupule kuli mutu ufi kaufela mo umwateni mwa taba moo. Muuna kaufela ni musali, mwana, u mwateni mwa koto ya lifu

yee, ka kufosa kwa toho ya lusika lwa batu, Adama; ka kufosa kwa hae, mañi ni mañi wa luna lu wela mwa sibi sa hae.

¹⁶ Mi sibi si na ni kotalimwa kuatuliwa. Mi kacwalo, Mulimu, mwa sishemo sa Hae sesituna-tuna ni lilato la Hae lelituna . . . Mulao no lukela ku kauhanya muezalibi ni Mubupi wa hae; mi a feliswa, ni kufeliswa luli kufefezeza, ha kukoni kuba mukwa usili kuli akone kukuta konji haiba sibi se si felisizwe. Mi ikona kuba nto yebunolo luli ni kulumela mwa kusinyezeza ka muezalibi kwa mafelelezo, kakuli yena ka ku felelela, ku kauhana kwa kamita Fapila Mulimu.

¹⁷ Cwale amu lemuhe sibi se. Mi ni ka mo Mulimu, kakuba ya lukile, mi hakuna za Na ezize kwanda kuluka, kakuli ki Yena makalelo a kuluka, kipeto hakuna kuba sesiñwi hape Sa kona kueza kwanda kubeya koto ya sibi se. Mi koto neli lifu, kakuli Na ize, “Zazi le mu ka ca ku yona, loza zazi leo mu ka shwa luli.” Cwale, ki siswaniso se si nsu se lunani fa.

¹⁸ Kono cwale haiba lukuta kwa mulaho hanyinyani fela, ni kufumana milelo luli ya Mulimu, Bibe le lu bulelela patalalaza kuli “Mulimu u lilato.” Kono niteni, ka kuba lilato, U na ni kuba ya lukile. Kacwalo, lilato ha li talusi kuli ki sika se si kona kubapaliswa ni ku hohololwa. Lilato kona mulao o lukile wa Mulimu.

¹⁹ Cwale, Mulimu ha naboni kuli bana ba Hae ne ba foselize mulao wa Hae, ni kuli ba swanela kushwa lifu, kona lilato la bumulimu li ba tahela mwa nzila yabona. Kakuli, Mulimu na boni kuli bana bani neba swanela fela, ku sinyiwa kuzwa Fapila Hae. Nekusina sesiñwi sene si ka ezahala, kakuli ne ba tulile mulao wa Hae, mi koto ya mulao wa Hae neli lifu.

²⁰ Mi cwale lilato la Mulimu la ya kwa batu ba Hae. Mi cwale lilato la Bumulimu ha se li bonahalile, muhau o ipitezi utisanga sibyana sa lilato. Mi Mulimu, ka kuziba kwa makalelo, ha Na latile sicaba sa Hae hande luli; ibo, ka koto, Atisa lifu la kuyolisa kuli linge sibaka mwa simu ya Edeni. Sani neli kuli, Na yolisize sibupiya se si sina mulatu, ngunyana ye ne sa zibi sibi, mi yaba sa kuyolisa, kusebeza ni kushwela mwa sibaka sa muezalibi yena kamilatu. Mi neli ngunyana, ye tabilwe, yene sweli bupilo bwa sicaba sa Hae.

²¹ Mwahala Testamente ya Kale kaufela ne ba sulula mali a lingunyana ni lipuli, lingu, lipoho ni litole, lifu la kuyolisa. Kono, kaufela zona mwa mubuso omutuna wa Mulimu, nekuna ni yeñwi kwa mulaho wa munahano wa Hae Sibyana sa luli sene si taha, sene sikaba . . . Yani neli miluti ya Sibyana sa luli sene si sa taha. Mi Sibyana sa luli ne si taha, mi neli Mwana Hae fela wa libanda. Lingunyana kaufela ze ne shwanga neli fela muluti. Mi muluti ki sika fela sa swalelele ku sa niti. Mi ne li yemela fela Kalvari yene taha.

²² Cwale ka kuba ni siswaniso sa seo, ha lu apuleñi mwa Libibele zaluna, kwa Buka ya Maheberu, ni kutalima fa fo Paulusi, muapositola yomutuna za sweli kubulela, ulika ku lu kauhanyeza litaba zee. Mwa kauhanyo ya 10 ya Buka ya Maheberu, lubala cwana.

²³ Mi Ni lata fela Linzwi! Linzwi kona Niti. Mi Ni tabela ku I bala fapila kopano yaka, kakuli Ni ziba kuli mwa katulo Ni ka yo yema ni bona. Mi Ni lukela ku yo ikalabela. Kacwalo haiba Ni I tisa kuzwa kwa Linzwi, kipeto Hanina kuba ni mulatu; kakuli Kona Linzwi, mi Mulimu u tokomela Linzwi la Hae.

²⁴ Lu bona zeñata hahulu kacenu, za babuleli ni babañwi cwalo, baba tiyela kwa libupeho. Oh, ki taba ye utwisa bumaswe! Mi lu fumana cwana kuli, ka kuya kwa likeleke, lu ya kwa keleke yeñwi mi mufumana mulisana, yana ni mukwa omuñwi o ipitezi ka yena, maikuto amañwi cwalo. Ha mu sa lemuhi, kopano kamukana ika kopisa kwa moya wani. Haiba ki wa sizuhela nyana cwalo, kamba ulata kunyunga toho ya hae, kamba nto yeñwi yeshutana, kihande, keleke kaufela i ka kopisa ona zeo. Mi luna ni, kacenu, mwa likeleke zaluna za kacenu, mo kuna ni maikuto fela, ni lika zeñwi cwalo. Mi lina ni lyanganisi yetuna luli! Kono, oh, mizwale yaka yelateha, haiba kukile kwaba nako ye luswanela kuba hande ka Linzwi, ki kacenu!

²⁵ Mwa bona, ha Ni tabeli kuyo yema mwa katulo mi kuziba kuli Ne ni na ni nto yeñwi ka za sinulo yeñwi, ni ku lyanganisa. Ha ni lati kuli babe ni moya waka ka kezo yaka, kono Ni bata kuli babe ni Moya wa Mulimu la Linzwi la Mulimu, kona taba yetisa Niti.

²⁶ Kacwalo ka busihu bobutuna boo, Ni tabela kubala mwa Linzwi la Mulimu la Kamita. Cwale lu lemuha kuli mulao ubile teñi ka myaha yemiñata, kono mulao haukoni kutakula sibi. Sina ha Ni bulezi kale zeo, neli fela ndu ya tolongo. Neli mupokola yomutuna yana ku bulelezi so no ezize, kono nasina mata a ku ku lukulula. Ne u mibeya mwa sintolo sa libyana zenyinyani, kono nekusina Muliululi yana lukela ku mi lamulela, ka ona. U kutisa fela, ku ku zibisa kuli u muezalibi. Kono cwale mulemuhe mwa Maheberu, kauhanyo ya 10, halunze lu bala.

Mulao kakuli una ni muluti fela wa ze ne ka taha, isi mubili luli wa lika . . .

²⁷ Muhupule, ne li muluti wa mubili o no sa taha. Muluti fela ubonisa kuli kuna ni mubili luli o bonahalela fa muluti. “Muluti wa lika ze ne sa taha, mi isi mubili wa lika.” Mulemuhe, “mubili wa lika luli . . .”

. . . mubili luli wa lika, ha u koni kueza ni hanyinyani ka matabelo ani . . . kuli ba ba lapela ba fumane kupetahala.

²⁸ Cwale, Mulimu, kwa simuluho, na tokwa kupetahala. Jesu, nako Ya taha mwa lifasi, naize, “Mu be baba petehile, sina

Mulimu mwa Lihali hali ya petahalile.” Mi mulao, kakuli ki muluti fela wa lika ze ne sa taha, ha u koni kupetahalisa balapeli. Mwa bona siswaniso sateni? Cwale ha lu fiteni mwateni hape kuli musike mwa li mbwinja. Mulimu utokwa kukena. Hakuna yakona kuyema fapila Hae, ni sibi neba sesinyinyani. Jesu na bulezi zeswana, mi naize, “Mube baba petehile, sina Mulimu mwa Lihali hali ya petehile.”

²⁹ Mi Bibe ibulezi kuli, “Mulao no sa koni, neba ka matabelo aona, kupetahalisa mubabaleli wa ona.” Mi, mulao no sa koni kupetahalisa sika. No li fela sisupeza nzila. Matabelo ao, na ezwa mwaha ni mwaha, nelisa petahalisi mulapeli. Kacwalo he, hakuna yali mwatasa mulao, kamba kubuluka milao, kamba mwatasa milao, yakona kupetahala.

Kakuli (timana ya 2) *kabesi cwalo ha nili matabelo ka ba tuhezwi kutahiswa?* . . .

³⁰ Haiba kuna ni sika se Ni kona kueza na kasibili kuli ni petahale Fapila Mulimu, konakuli Krete na sa lukeli ku ni shwela kanti. Haiba kuna ni nto iliñwi yokon akueza, yekona kutisa bunde Fapila Mulimu, kipeto Krete u shwezi mbango. Hakuna za kubuluka mulao, hakuna milelo ya za milao ya hao fela, hakuna za kukena kwa hao fela, ha lika zo luleka kuthela kueza, kutuhela kupuma, kutuhela ku uzwa, kutuhela kuzuba kwai, kutuhela kuya kwa kubuha maswaniso, niteñi u sa latehile. Hakuna zekona kueza cwalo! Kuikopanya kwa likeleke, lizo, mikiti, likolobezo, milao ya keleke, kubala lituto za litumelo, kupeta litapelo, lika zeo kamukana halina kuba ni tuso. U latehile! Hakuna neba nto yokona ku i kezeza, kakuli u muezalibi yali mwatasi a katulo. Mane hakuna neba mukwa mwahali kuwena, kamba tuto ya tumelo kaufela, kamba sika kaufela so kona kueza kamba kunahana, ka wena unosi, zekona ku kutusa sika Fapila Mulimu, kakuli u muezalibi ka kukala.

³¹ Mi Bibe i bulela, kuli kaufela lu pepezi mwa sibi, lubupilwe mwa bumawe, lutile mwa lifasi inge lu bulela buhata. Mi Mulimu hakoni kunga mutu alimuñwi kuli ashwele yomuñwi, kakuli yo uswana fela sina yomuñwi. Fapila Mulimu, mbishopu yomutuna na pepezi mwa lifasi atezi fela milatu inge mutu usili fela yafumaneha mwa manwelo a bucwala mwa tolopo. Alimuñwi hakoni ku shwela yomuñwi.

³² Kabakaleo, Na ngile bupilo bwa folofolo yesina mulatu, nwa ngunyana ye likani. Mi mwatasa Testamente ya Kale, mulao noliteni, nako yaeza sibi mutu, atisa ngunyana kwa aletare. Lubulele kuli ha na ka lyanganisa omuñwi wa milao, nana ni kutisa ngunyana ku i beya fa aletare, na beya mazoho a hae fa ngunyana ni kuipulela libi za hae, kuli na fosize mi na ziba kuli u na ni mulatu. Kaza . . . mi nali . . . Mulao no tokwa lifu. Mi atisa ngunyana mwa sibaka sa hae. Mi cwale yena . . . Mumizo wa folofolo nyana yani no pumiwa, mi ikala ku nyakaula kulahaka

mahutu, ni ku lila. Haiba mukile mwabona fateni ngunyana ha ibulaiwa, ki pono ye utwisa makeke luli! Kafolofolo kalika kulila, mi musinga wakona kanti upumilwe. Mi hakaze ka lahaka ni ku njunjula cwalo, ni ku otoloha cwalo, ni kunjunjula hape ni kulila, kipeto mali a hasaka, atapisa boya bwa kona ni mazoho a mulapeli.

³³ Mi sina mulapeli ha nza lemuha cwalo, kakuza boozwa, ka kupuma, ka ku uzwa, kaufela mulatu wa hae uli sona, kamba neba kunahana ze maswe, kaufela sesili sona mwa buino bwa muluti, nana ni mulatu, kakuli neli sibupeho sa hae. Nana ni mulatu sina mutu, isiñi ka takazo, kono ka sibupeho nana ni mulatu. Mi nana ni ku lemuha kuli ngunyana yesina mulatu ne i shwela mwa sibaka sa hae. Mi autwela makeke folofolo yani.

³⁴ Kono haili muuna wateni, ngunyana isa shwa fela, ni mali a ngunyana ainzi mwa mazoho a hae, a zwa mwa muyaho ni maikuto aswana mwa pilu ya hae, ana bile ni ona kwa simuluho. Kiñi? Kakuli bupilo bone buli mwa ngunyana yani. . . Bupilo bu mwa mali. Bupilo bwa hao bu mwa mali. Lwa ziba cwalo. Mi bupilo mwa mali a ngunyana neli bupilo bwa folofolo, kabakaleo misinga nyana yani ya pazula mi bupilo bwa zwa mwa folofolo, nebusa tahi kukutela ku mulapeli, kakuli mulapeli nali mutu wa nama.

³⁵ Mali na apesa, kono na sa kwanisi ku kenisa; kakuli mutu na zwa mwa muyaho, ka maikuto a swana a kueza sibi, sina mwa na bezi ka nako yapili. Kono, ka kueza se, na nza libelezi nako ha ku ka taha Ngunyana ye petehile. Mi aeza ona cwalo fa sitabelo se si tuka, kakuli neli fela nzila ya na li zibezi kayona.

³⁶ Kacwalo, mwa bona, mali ha na suluha, ni bupilo ne buzwa ma folofolo, nebusakoni ku kutela ku mutu; kakuli, yeñwi neli folofolo, yomuñwi nali mutu; folofolo yesina mulatu, ku mutu yana ni mulatu.

³⁷ Kono, oh, zazi leliñwi, myaha ye likiti zepeli kwa mulaho, Ngunyana ya Mulimu a pepelwa mwa sicelo nyna mwa Betelehema, mi na etelelwa sina ngu yeya kwa silaha sa yona. Myaha yeñwi ye mianda ye naintini kwa mulaho, musihali wo, ka sili kiloko ha Na shwa. Mi Ngunyana yasina litiba, yasina bumaswe wa Mulimu yana pahakilwe fa sifapano sa Kalvari ni kushwela muezalibi kaufela. Cwale fani mulapeli ha taha kwa Ngunyana yee, ka tumelo! Mi ye ki Ngunyana ye shutana. Ha ki Ngunyana yeswana ni yeñwi.

³⁸ Hakuna mutu yakona kutaha kwa Ngunyana yee, konji kuli Mulimu a i bize pili. Mwa bona buicemeli bwa Mulimu? Oh, Ni sepa kuli seo sa nwela hande mwahali. Mutalime. Mulimu na ziba kuli Una ni lingu mwa lifasi lee. Na ziba kuli U ka ba ni sicaba se si ka piliswa, mi lilato la Hae la talima fafasi ni kubona bene ba ka piliswa; kabakaleo, ka kulemiwa kwa makalelo, Na ketile kale Keleke ye ne ka Mu katanyeza kwapili, yesina litiba ni

nyazo. Mi haiba Mulimu na tokwa Keleke yesina litiba ni nyazo, Nana ni sesiñwi kuli a si eze ka nzila ona yeo. Na si ka litabela, kuluka kwa Hae, likatulo za Hae nasika Mu tuhelela kukupa nto yecwalo haiba nekusina mukwa wa ku lieza.

³⁹ Mi mutu hakoni ku lieza yena muñi. Yena ki mupalelwi ya felelezi. Mulimu a mu tuhelela kubona sani ka mulao, mwahala baatuli, ni kufita mwa Testamente ya Kale kaufela. Na lumile bapolofita, Na lumile mutu ya lukile, mi ba fumana kuli mañi ni mañi a palelwa.

⁴⁰ Kacwalo, Mulimu, ka muhau wa Hae o ipitezi, aluma, kuzwelela kwa mikwakwa ya Kanya, Mwana Hae wa libanda, kuli ange sibaka sani.

⁴¹ Muhupule, kambe Na bulezi kuli popu wa kwa Rome ange sibaka seo, nasike akona kuli eza. Kambe Na bulezi kuli mbishopu yomutuna wa Canterbury akone ku lieza, nasike a lieza. Kambe Na ka biza revurendi wa ndate ya kenile kamba mbishopu wa lifasi, na si ke alikeza. Na kaba kwahule hahulu ni kuhaniwa sina Judasi Isikariota mwa na inezi. Nasika kona ku lieza, kakuli na “pepezwi mwa sibi, a bupilwe mwa bumaswe, utahile mwa lifasi inza bulela buhata,” mi na tokwa swalelo ya hae.

⁴² Haleluya! Kono kwa taha Alimuñwi yana zwelela kwa makamba a Kanya; hakuna ni yomukana, hakuna neba mutu, muuna yomunde, neba Mujuda kamba wa Bamacaba. Na si nto isili kwanda kuba Mulimu Yamata kaufela, ya patilwe mwa nama. Na tile, Yena kasibili, kutofa Mali a Hae Tota, kakuli Na si ka taha ka foso. Foso neisina sa kueza ni yena. Kono Ato apesa mwalanjo, mi apepa yazwa kwa selu ya Mali ya Na bupile, yena Kasibili, Yena yasina mulatu.

⁴³ Kipeto puluso yaka, ya hao, busihu boo, ha i si ka yendamena fa misebezi yaluna yeminde. I yendamezi fela fa sishemo sesinde sa Mulimu Yamata yena Yaiketezi luna ku Yena. Kiniti. Hanikoni kuba ya petehile, kamba wena kuli ube ya petehile. Mi ha lu ipuleli kuli lu petehile. Kono luna ni ciseho iliñwi ye, ya kuli, tumelo yaluna iyendamezi fa Sitabelo se si petehile se si amuhezwi kale!

⁴⁴ Kona kuil luziba cwani kuli luna ni zona Zeo? Mi mulapeli ha sa beile mazoho a hae, ka tumelo, fa mubili wa Mulena Jesu, ni ku utwa bumaswe bwa sibi, ni kusomiwa kwa mati kwa sifateni sa Hae Tota, a utwa kutonga kwa Getsemani, manyando a Kalvari, ni kuziba kuli una ni mulatu, ni kuipulela libi za hae ka swanelo, “O Mulena ya Fuyozwi, Nina ni mulatu. Mi ha Nina nzila yeñwi kwanda Hao ku ni tusa. Mi ka tumelo. . . U sweli wakupelala, Moya o Kenile, u tile ku to ni kupa kuli nitahe. Mi Na cwale, ka tumelo, ni amuela Jesu kuba Mupulusi waka.” Bupilo bwani bwa taha kuzwa ku Yena fa Kalvari, bo bu bizwa Moya o Kenile, o no patilwe mwa Mali a selu a Mulena Jesu, bu kutela ku

mulapeli ni ku mu kolobeza ka Moya o Kenile, kukena mwa Mubili wa Kreste.

⁴⁵ Mi Yena sa atuzwi kale. Ha u lukeli ku bilaela ka za katulo. Hanze Ni apula ni kotalima fa kafapano kani, Ni lemuha cwana kuli . . . ka yemela mubili wa Hae. Mi cwale mubuli wani so atuzwi kale. Mulimu hakoni ku u atula hape, kakuli u so atuzwi kale. Mulimu na wisize likatulo za lifu fa mubili wani. Mi haibile fela Ni kona kufumana nzila ya kuipata mwa mubili wani, katulo ya Hae ne isuluhezi na ni wena. Lu lukuluhile! Maroma 8:1, iize, “Cwale hakusana katulo ku babali ku Kreste Jesu, baba sa zamayi ka nama, kono ki ka Moya.” Ki fo he cwale, hakusana katulo! Ha nina taba ka ze taha kamba ze ya, u patilwe mwatasi a Mali.

⁴⁶ Hape, lukona kukena cwani mwa Mubili wani? Makorinte Bapili 12:13, ibulela kuli, “Ka Moya ulimuñwi!” Kana Moya u tahanga cwani? Ka Sitabelo. Kana Moya no lobezi kau? Mwahali a Mali. Kiñi folofolo ha ne i sa koni kukuta? Ne si folofolo. Moya wa folofolo no sa tahi kwa moya wa mutu ku to eza sika kaufela, kakuli moya wa butu neli bupilo bo bu pahami nyana kufita bwa folofolo. Kono hakuna moya wa mutu usili ono taha ku yomuñwi. Haiba un ani moya wa bashemi ba kale, ki milapelo ya mioya. Kono Mulimu yena Kasibili ataha, kuli Moya wa Hae tota, ili ona moya o pahami ku yeliteñi, wakona kukuta ka mufuta wa kolobezo ya Moya o Kenile, kutaha ku mulapeli, ka Mali a Kreste, ni ku munga kukena mwa Mubili. U i ketile!

⁴⁷ Mutalime. Mali a lipoho ni lipuli hakoni kubeleka, kakuli neli a fokola. Cwale ha lu baleñi, kukala ka timana ya 12. Ku lukile. Mali a lipoho ni lipuli hakoni kubeleka, neba kuli aswalele libi. Mutalime.

Kono muuna yoo, (Muuna Mañi? Ki bishopu nji? Batili. Ki Popu nji? Batili.) . . .

Kono muuna yo, ha se . . . afile sitabelo sa sibi kamita, a yo ina kwa lizoho la bulyo la Mulimu;

Kuzwa cwale ulibelezi kufitela lila za hae liba fa hatela mahutu a sipula sa hae.

⁴⁸ Kikuli muitukisize nji? Kikuli muitukisize kwa Linzwi nji? Muteeleze ku Se, kipeto Ni bata kuli se Si nwele nyana kuna. Muteeleze ka swanelo.

Kakuli ka sitabelo silisiñwi (isiñi mwaha ka mwaha, isiñi ancafazo mwamulaho wa ancafazo, isiñi mukopano mwamulaho wa mukopano, isiñi lizazi mwamulaho wa lizazi) . . .

Kono ka sitabelo silisiñwi yena u-p-e-t-a-h-a-l-i-z-e (ki kale? U ezize!) . . .

. . . ka sitabelo silisiñwi upetahalize (zeo ki linepo za Mulimu) kamita bona baba kenisizwe.

49 Ki fo he cwale. Yeo kona kalabo ya lifu la Kreste. Yeo kona kalabo kwa Kalvari. Yena mane, ka Mali a Hae Tota, u lekile libi zaluna, ni ku lupetahalisa kamita, balumeli ba Hae. Kabakaleo, ku Kreste lu yema lusina bumaswe, lu petahalile Fapila Mulimu Yamata kaufela. Lu batu babapila mwatasa tukuluho, ka lituto zaluna fela; kaufela luna lu lutilwe kuli luna ni kufita fa sibaka sesiñwi, luna ni kueza nto yeñwi. Batili, muzwale waka, ha ki so ezize; ki sa kuezelize Mulimu! Luna cwale, haiba lu beiwa ba balukile ka tumelo, lu petahalizwe kuyakuile Fapila Mulimu.

50 Mi Jesu ali, “Kifohe cwale mube baba petehile.” Mi, neli kupetahala kuyakile. Mulimu, ka lifu la Kreste, myaha ye mianda ye naintini kwa mulaho, kacenu, apetahalisa mulumeli, kuli Na boni kale kusika tomwa kale mutomo wa lifasi, kuyakuile. Mi bona Ba bizize, Uba beile ba balukile. “Bona ba Izibezzi kale, Uba bizize; bona Ba bizize kale, U ba beile baba lukile; bona Ba beile baba lukile, U sa ba file kale kanya.” U petahalize kale balumeli ba Hae!

51 Cwale mutalime, ha lu kuteñi kwa mulaho fa timana ya 1.

...Mulao kakuli ki muluti fela wa lika zende ze sa taha, mi isi mubili luli wa lika, ha ukoni kutahisa matabelo ani ze ne tahiswa mwaha ni mwaha kuzwelapili kupetahalisa mulapeli.

52 Mutalime “kupetahala,” kona ze luambola fateni.

Kabesi cwalo hanili matabelo ka ba tuhezwi kutahiswa? kakuli fo balumeli ha ba se ba kenisizwe kwa sibi.

53 U talusa sikamañi? Linzwi la kuli *lizwalo* fo, ni toloko, ki kuli “takazo.” Mi haiba mutu ataha, mulapeli, ka swanelo, fapila Kreste, ka kubona manyando a Hae, mi u ipa ili yena ku Kreste, ni kubulela kuli, “O Mulena Mulimu, hakuna sika ku na se si kona ku ni tapisa, kwanda kuli Ni i tingile fela ku Wena ka kutala,” mi cwale Moya o Kenile wani utaha mwa pilu ta mutu, yona puzo luli ya sibi i to alabiwa kufelelela, kakuli takazo ya kaufela ya sibi se izusizwe ku wena. Kakuli haiba mulao no kaeza cwalo, matabelo ani na si ke afela; kono kakuba kuli no sa koni, Kreste nana ni kushwa, kuli alu petahalise.

54 Balikani, kuna ni lika zeñata hahulu zelukona kubulela busihu boo, ka za kupetahala. Kamita lu lika ku longola meto a yomuñwi, ku ikeza baba kenile kufita babañwi mo—mo bainezi. Kono hane lu ka talima fela fa siswaniso, ki sishemo sa Mulimu fela haluli mo luinezi cwale.

55 Kwanu nako yeñwi kwa mulaho, mwa Ohio, Ne ni itutile tuto ya nzila yetata. Ne ni nani mukopano kwani mwa Ohio, mi Ne ni pila kwa matakanyani. Bakeñisa buñata bwa batu, Ne ni sa koni kupila mwa mleneñi.

⁵⁶ Ne lusweli kucela kwa sibaka sa lico nyana sa Dunkard. Ko kuna ni maweta babande ba sanana, ba ba apezi ka bukwala, ni kukena mo ne bakona kubela kaufela, sina kalibe fela, ne ba lulibezezi. Ne li sibaka sa lihalimu cwalo, kucela lico mwa sibaka se si cwalo sani. Situngu sa bona ne si kenile luli ne ku tanyezwi. Mi la Sunda ne ba kwalanga ni kuya kwa keleke yabona. Na to utwa tala, Ne ni na ni kukutaza musihali wa la Sunda wani.

⁵⁷ Mi Na ya kwa sibaka nyana sa . . . ma American fela kone kulekiswa lico, kuli ni yo ca. Mi ha Ni yo kena mwa munyako, kiñi sene Ni utwile kwanda mushini wa miwayawaya o no lila! Mi nekuyemi muuna muhulu taka yaka, mane ndatetuna yani na lukela kuba muuna ya nyezi, ni lizoho la hae ali kukambeka musali, inge baliza lipini fa mushimi wa miwayawaya. Mulao waluna luli, silelezo ya kuluka kwa luna, kwa libyana zaluna, na yemi fani unzo sinya sika tenyene sa na lukela kusileleza. Kakuli, ha ki mulao kueza za kulaula mwa Ohio, kuliza mushini wa juki bokisi.

⁵⁸ Mi Na sikuluha ni kutalima kwa mulaho wa muyaho, nekuna ni sikwata sa bashimani babanca fela, mi pina yeñwi ya rock-ni-roll neilila, fa mushini. Kalibe nyana mwendi wa myaha ye eitini ya kupepwa, yana tinile fela hande wa siyemo sa busali. Kono na yemi fani ni ndelesi ya hae inge ishuhile kwapata, mi alimuñwi wa bashimani bani ali ku kambeka mazoho ahae ku musizana, ko ne ba sa lukeli kufumaneha. Mi nebasweli kuzuba ni kunwa.

 Mi Na hupula kuli, “O Mulimu, Ukona cwani kutuhelela lika zecwalo?”

⁵⁹ Mi Na talima kwa neku la silyo, ha Ni utwa mutu yana tonga hahulu ka kuhuwa. Mi ne kuinzi musali muhulu cwana, mwendi wa myaha ye sikisite ya kupepwa, kamba mane sebente cwalo. Musali na apezi liapalo za butanya cwalo, fahalimu a mañwele ahae cwalo, ni mazoho a hae a kokonyani litalo inge li lepelela ona cwalo. Mi na ipentile fa milomo, ni mubala okambile luli wa pepo kwa sifateho sa hae, inza ipentile; inza tinile makatulo alikani cwalo, manyatela, ni manala a kwa mahutu amubala wa pepo, aipentile; manala a kwa minwana, a pentilwe. Mi milili ya hae ne i kukuzwi kuba yemikuswani, ye tatani, mi ye pentilwe mubala wa bulu. Mi Na mu talima.

⁶⁰ Mi fabuse bwa tafule ne kuinzi baana bababeli, baba kozwi. Alimuñwi wa bona (neli ka nako ya mbumbi) inza ikapesize koto yetina ya sisole, ni lisila la mubala omuseta aitatelize mwa mulala wa hae, ni mahaha fwakaa kwa sifateho sa hae, inza tokola ni ku bina. Mi bakupa sibaka, muuna kiyena yana zwile fateni, a siya musali, ni kukala kuzwela fande sina *cwana*, kuya kwa kuikatulusa.

⁶¹ Na yema fani. Mi Na li, “Mulimu, kiñi ha U sa sinyi fela lika zee? Kiñi fela ha U sa tibisi fela lifasi ona fa?” Na li, “Kana

Sarah waka yomunyinyani ni Rebekah ba ka hulela mwatasi a lika zecwalo zeo?” Na li, “U kona cwani kutalimela fela, Mulimu, mwa kukena kwa Hao kokutuna, uyeme u nzo talimela zeo i ezahale cwalo, mi kusina kuluma zikinyeho ya lifasi ni ku li tibisa kamukana?”

⁶² Mi ha ne Ni sa yemi fani cwalo, inge ni nyazaka musali yani, mone Ni konela, Na kuta kwa sikwalo sa kwa mulaho. Na utwa Moya wa Mulimu u ni tahela, mi Na ya kwa mulaho wa sikwalo.

⁶³ Mi Na bona nto yeñwi ye pikuluha. Mi hane kuli cwalo, mwa pono, neli lifasi lene li pikuluha ni kupikuluha. Mi Na talima, mwa lifasi nekuna ni mubala o mufubelu, mwa lifasi kaufela. Mi ha Ni yo fita kwa lifasi, Na ipona, kuba kashimani kakanyinyani fela, inge ni eza lika ze Ni sa lukeli kueza; mwendi isi sina *cwalo*, kono neli sibi. Mi nako kaufela ha ne Ni eza sika, Na bona muluti omunsu upahama kwa Lihalimu. Mane, Mulimu na ka ni bulaya ka nako yani.

⁶⁴ Mi Na bona kuyemi mwahali kuna ni Mulimu, nekuyemi Sitabelo se si petehile. Na Mu bona inza yemi fani ni miutwa kwa toho ya Hae, ni mati inza nela kwa sifateho sa Hae. Mi nako kaufela libi zaka ha ne li kalisa kuya ku Mulimu, Na taha ni ku li swala, inge sibaekiso sa mota. Na sweli ni kusileleza kwa lifu. Mi nako kaufela hane Ni eza mafosisa, Mulimu na bata ku ni bulaya. Kaniti, kukena kwa Hae ne kubata ona cwalo. Mulao wa hae no tokwa ona cwalo. Mi nako kaufela ha ne Ni eza sika kaufela, kamba wena haueza sika, Mali a Jesu Krete aba sina sibaekiso. Mi Na bona mubala o mufubelu kuli no yemela ona zeo, mi, Mali a sa sweli lifasi.

⁶⁵ Mi hane Ni sa yemi cwalo, inge nitalima, Na fita fakaufi nyana ku Yena hane Ni sweli ku Mutalima cwalo. Mi Ne ni Mu utwa haali, “Ndate, mu swalele, ha zibi sa sweli kueza.” Mi Na talima fafasi, mi nekuna ni buka. Mi nekuna ni Lingeloi lene libiza mabizo mwani, mi ne ni yemi kwatuko a Hae. Mi nako kaufela ha Ne ni eza sibi, ne li ñoliwa mwa buka. Mi libizo laka la ñolwa mwateni. Mi Na lemuha kuli zazi leliñwi, Na . . . Mali a mafubelu ani na nanuhela mwahalimu ni Ne ni yema Fapila Mulimu, ni bupilo bwaka bwa sibi. Kono, Na bona, ka sishemo sa Hae ha Na tibela katulo yaka.

⁶⁶ Na ya ku Yena, ka buikokobezo. Na kubama ka mañwele, mi Na li, “O Jesu, Wena Mwana Mulimu, Ha ni swaneli kutaha Fapila Hao. Kono shangwe Aku ni swalele ka ze Ni ezize?”

⁶⁷ Aswala kwa makupo a Hae ka lizoho la Hae, anga buka ya kale ni kuñola fateni kuli “uswalezwi” fahamwa yona, a i nepela kwa mulaho wa Hae, mi libi zaka za takulwa! Mi ki Ha ni talima, buhali kwa sifateho, Mi ali, “Cwale Ni kuswalezi, kono ubata ku atula musali.” Mi se Ni bona sene si taluswa.

⁶⁸ Ha ni yo zwa mwa pono, Na yafa na inzi. Na li, “Ba cwani sha?”

69 Na kozwi luli. A ni talima, mi ki hali, “Oh, lumela.”

Na li, “Nakona kuina kwateñi?”

Ki hali, “Ni ha ni mutu.”

70 Se nili, “Ha ni talusi ka nzila yeo, kalibe. Ni bata fela kuambola ni wena, fa muzuzu.”

Ki hali, “Wakona kuina.”

71 Mi Na li, “Kalibe, mwa mizuzu nyana yefelile, hane ni yemi kwa mulaho wa sikwalo sani. . .” Na kala ku mubulelela. Mi ha Ni kala kutalima, mioko yakala kububa fa malama a hae. Mi ani bulelela kuli. . . Na li, “Kalibe, ha u lukeli kueza cwalo. Jesu na shwile, mi katulo ya Mulimu i kwahezwi ka Mali a Hae. Ha u lukeli kueza cwalo.”

72 Mi musali ali, “Batili, sha.” Ki hali, “Bondate neli bo dikoni mwa keleke. Ne ni hulezi mwa lapa la Bukreste. Bo muunanaka ni Na neluli ma membala bayona, mi ne lupila bupilo bwa Bukreste.” Ki ha kalisa ku ni bulelela, kasamulaho wa lifu la hae. . . Nana ni basizana bababeli, mi na sa latehile. Ni mo ne ba musiyenzi basizana, mi ni yena a i sinyeza bupilo bwa hae. Mi na hupula kuli hakusana sepo ku yena.

73 Kono Na li, “Mulimu, akube ni makeke! ‘Bona bo Izibezizi bona pili, Uba bizize.’”

Ki hali, “Kiwena Revurendi Branham, uzwelela kai?”

Se nili, “Ki na.”

74 Ki hali, “Na i kutwa maswabi, ka kuba cwana.” Ki hali, “Unahana kuli kuna ni kolo ku na?”

75 Na li, “Jesu una ni mazoho a Hae aotolohile, u ku libelezi kuli utahe, kalibe tuwe.” Mi batu babañwi bakalisa kunanuha. Mi se Nili, “Kana wakona kutaha kwanu ukubame fafasi fa nina?”

Ki hali, “Ni ka kubama.”

76 Na mu swala kwa lizoho. Na li, “Mu bonahala kuba butaka ni boma. Amutahe mu to kubama ni na, fafasi faa?” Mi ona fa bulilo fani, lwa bokolola musihali wani, kuba ni mukopano wa mufuta wa kale. Mi Mulimu a pilisa musali muhulu yani, ka sishemo sa Hae. A yo apala hande ni kutaha kwa mukopano, mi, kuya ka mo Ni zibela, upila bupilo bwa Bukreste busihu cwana.

77 Kinto mañi yeo? Oh, Mulimu utokwa kupetahala! U tokwa kubaka. U tokwa buishuwi bwa hao ku Yena. Kono U talimezi busihu boo. Hakuna taba kamba uezezi sibi se si kuma kai, kamba ki se si nyinyani cwani kamba butuna, u sa li muezalibi, mi haukoni kuba ka nzila isili konji ka Jesu Krete, sona Sitabelo se sipetahile kamukana. Mi mu petehile ku Yena kuyakuile. Mu nahane ka zona! Ha ki sika so ezize. Ha ki makepe amanca o mu apula. Ha ki bupilo bobunca bo u kalile. Ki kubakela lifoso za hao, ni sishemo sa Mulimu ku wena. Seo sitisa kupetahala, mi kipeto u petahalizwe ku Jesu Krete.

78 Na sepa, busihu boo, mulikana ka, halunze luli mo ka nako yesabisa yee, mi buiketelo habuna ni kuezahala ka kuutwa likande lee. Mwendu ha u si ka li utwa kale fateni. Kono ha ukoni kuzwela fande ka minyako yani uli mutu yaswana ha u kena, u lukela kuzwa uli yomunde kamba yamaswe.

79 Mi halunze lu inamisa lizoho fa nako nyana, Ni bata kuli munahane handende ka zona. Kucwani ka moyo wa hao busihu boo? Jesu Krete na ku shwezi.

80 Mu li, “Muzwale Branham, ki lili fo Ni ka tuhelela kuzuba, ha Ni ka tuhela kunwa, ha Ni ka otolola taba ye hande, Ni ka eza sakuli.” Oh, halina ku ba hande. Hauna ku kona ku li eza. Kiñi ha u sa tahi ka nzila yotile ka yona? Mi, ka tumelo, zamaya kwa Sibuba sani, litombo za Hao zebuba mali, mi lilato le lipilisa libe mukanga, mane kufitela u shwa.

81 Kiñi ha ukanga sa kuyolisa? Kiñi zo likela kukena mwa keleke? Kiñi ha u lika kukena mwahali kakuli u tuhezi kunwa bucwala kamba utuhezu kubulela buhata? Utahe ka nzila ya bupetehi! “Kakuli, ka Sitabelo silisiñwi, U petahalize kuyakuile bona baba kenisizwe.”

“Kana Ni kona kukeniswa cwani?”

82 Muipulele libi za mina Fapila a Mali a Jesu; mi Mali a zwile kwa Mali ani, kona akutela ku mulapeli, ni ku mukenisa kwa litakazo za lika za lifasi. Kakuli, ka sona Sitabelo silisiñwi se siswanela sani, U lu petahalize; Moya ulimuñwi, luna kaufela lu kolobelizwe mwa Mubili ulimuñwi. “Cwale hakusana katulo neba iliñwi ku babali ku Krete Jesu, bona baba sa zamayi ka nama, kono ka Moya.” Haiba u lika kuzamaya ka Moya, kono u sa lakaleza za lifasi, Sitabelo ha si sika fiwa ku wena. Kono mulapeli ha sa kenisizwe, hasana takazo ya sibi hape.

83 Yani neli Kalvari. Ha ki sibaka sa kulekiseza lipalisa, kamba sibaka nyana sa kuezeza *se* kamba *sani*. Ne li sibaka koo Mulimu ni mutu ha ba kutisana lipilu. Ne li sibaka koo kozo ni buiketo bobupetehile ha butiswa ku mutu. Ha luyeni nina, busihu boo, mulikani wa muezalibi, kwa Kalvari, mi ka tumelo lamba Mali ao mwa moyo wa hao tota, ni ku lumeleza Moya o Kenile kutaha mi u ku kenise ka Sitabelo sa Hae sesituna?

84 Lu si ka lapela kale, nanulela lizoho la hao ku Mulimu, mi uli, “U ni utwele butku, Mulimu. Na cwale ni bakela libi zaka, ona busihu bwa la Bufaifi Lelinde boo. Mi Ni itumela ka manyando amatuna ao Krete na ni nyandezi. Na cwale ni ipa tato yaka luli, maikuto aka tota ni lika kaufela, ku latelela Wena kuzwa lizazi le, kuya kwapili.” U nanule lizoho la hao ubulele, kuli, “U ni hupule, Muzwale Branham, mwa tapelo. Yeo kona keto ya pilu yaka?” Kana kuna ni yomukana, busihu tuna boo, hakunze lu libelezi fa nako nyana? Kwanu kwa neku la bulyo, kaniti kuna ni alimuñwi fani. Kana u swabezi libi za hao? Kana u i kutwa kuswaba ka zo ezize?

85 Lifasi le busihu li libata bahali. Mi lina ni bahali, kubulela ka nama.

86 Zazi leliñwi kwani mwa Switzerland, fani Swiss Switzerland ha nali ni butata, mukiti wa ma Swiss ha no kopanezi mwa masimu, bane—hane bayemela sifumu sabona. Mpi yetuna ye ne sa taha neli yetuna ku bona; ne ba lutilwe hande kaufela, nebana ni malumo amatuna. Ma Swiss hakuna ze ne ba ezize kono ba itoboha. Ne ba i lo tibelega kwa lilundu. Mi nekuna ni muhali yana tahile. Yomuñwi a shwa. Mi ha ba luzwa ndwa . . .

87 Nebasina lilemano kwanda licekesi, ni macwe, likota, a kulwanisa. Kanti, mpi ye ne sa taha ne i bonahala inge limota la sitina. Hane ba ka ngiwa, bafumahali babona babande ne ba ka silafazwa, basizana babona ne ba ka silafazwa, limbututu zabona ne li ka bulaiwa, litho zabona ne li ka pyatiwa, mandu abona na ka lubiwa, kaufela ne li ka lateha.

88 Mi nekuna ni muuna, wa libizo le li libezwi kapili, wa libizo la Arnold von Winkelried. A zwela teñi, mi ali, “Muuna wa kwa Switzerland, zazi la kacenu le Ni fa bupilo bwaka kwa Switzerland.” Ki hali, “Kwabuse fela bwa lilundu lani kuna ni munzi omusweu. Nina ni mufumahali ni bana babalalu baba ni libelezi. Kono habana ku ni bona hape, kakuli, lizazi le Ni fa bupilo bwaka kwa Switzerland.”

Se bali, “U ka eza sikamañi, Arnold von Winkelried?”

89 Ki hali, “Ni latelele, mi ueze kaufela zende so kona ka so nani kaufela.”

90 Mi atalima fabuse kwa limpi kufitela ayo fumana miwayo ye swalani luli. Mi a nanulela mazoho a hae mwahalimu, a matela kwa limota la miwayo lani, inza huwa, “Amuzwe mwa nzila ki tukuluho! Amuzwe mwa nzila ki tukuluho!” Miwayo ye mwanda ya futuka kuliba yena; a otoloha mazoho ahae ni ku i tisa mwa sifufa sa hae, yene ti lo mu wiseza fafasi, mi a shwela kwa buhali bwa miwayo. Ma Swiss bani ba mu latelela ni limpuni ni likota. Yona ponahazo yetuna yani ya buhali ya sabisa mpi yani, mane ma Swiss ba lundulwa mwa naha. Mi bali kuba ba be fateni ni ndwa kuzwa zazi lani, hape.

91 Muyeme mwa Switzerland ni kubulela libizo la Arnold von Winkelried, uka bona mioko ha i buba fa malama abona. Kiñi? Na pilisize naha ya bona. Wani neli musebezi wa muhali yomutuna. Zeo mane hakuna ko likona kubapiswa, neba kufiteleza, mwa lifasi lee.

92 Kono, oh, neli nto yelikani ku ze ne zahalile zazi lani! Fani lusika lwa Adama ha lu to yema, madimona a taha kuzwa maneku kaufela, bapolofita ne ba palezwi, mulao no palezwi, sitabelo sa lipoho ni lingu ne si palezwi, sibupeho sa mutu ne si palezwi, lika kaufela. Mi lusika nyana lwa Adama lwa yema, lukomilwe; lu hatelezwi ki madimona, kuakaleza, makulano, matuku. Nekuna ni Alimuñwi yana zwile mwa Lihalimu, mi

ali, “Zazi le Ni shwela lusika lwa Adama.” Ataha mwa lifasi mi aezwa nama. Atalima hande fafasi fo ne kuna ni miwayo ye unsufezi maswe. Zensu hahulu kufitisisa za mutu neli lufu, mi Aikungela lifu mwa sifuba sa Hae. Mi fa Kalvari Alifa sitabelo sani, ni kubulela kuli, “Amuzwe mwa nzila ki Tukuluho!”

⁹³ Mi Ahuweleza kwa Keleke ya Hae, “Munge Se Ni mi siyezi, Mali a Ka ni Moya wa Ka, mi mu lwane ka se munani kaufela.” Lwakona kukoma busihu boo, ka Seo, mulikani. Wakona ku leleka diabulosi ku wena. Sila sa kale kaufela sesili mwa bupilo bwa hao, sakona ku lelekiwa ka Mali ni Moya wa Kreste, mi wakona kuyema uli ya petehile Fapila Hae. Kreste u elukisize nzila!

⁹⁴ Kikuli wakona kunanulela lizoho la hao ku Yena, ni kubulela kuli, “Niswalele”? Mulimu aku fuyole, muzwale. Yomuñwi hape, “Uni utwele butuku, Mulimu, Na ipulela cwale bufosi bwaka”?

⁹⁵ Kikuli kuna ni ma membala ba keleke ba sihalihali baba yanga kwa keleke zazi ni zazi, ni kulika kuba ba bulapeli hahulu mo bakona kubela, kono niteñi baziba kuli kacimacima kani ni ku sa isezanga kwa lika, ni buitati, ni mikwa i sa ku bitelanga fafasi kufitela upalelwa kuba ni tulo? Kikuli ukaba ku keniswa ka Mali, busihu boo, kuzwa ku zeo kaufela? “Kakuli muezalibi ha sa swalezwi hasana lizwalo hape. . .” Kana utabela kunanula lizoho la hao, wena muyemeli wa keleke? Mulimu aku fuyole, kaizeli. Nanula mazoho a hao mi uli, “Muzwale Branham, uni hupule mwa tapelo.” Mulimu aku fuyole, kalibe. Yeo ki niti. Yeo kona luli. . . Yeo kona nto yaluli ya kueza. Mulimu aku fuyole kwa mulaho koo, muñaka.

⁹⁶ Yomuñwi ananule lizoho la hae, ali, “U ni utwele butuku, Mulimu. Ni ziba kuli Ni ipiza kuba wa Bukreste, kono ha Ni pili cwalo. Ni ziba kuli Hani cwalo. Mi mwa pilu yaka, Ha ni ya lukile hande ni Wena. Ni bata kuba alimuñwi wa baketwa ba Mulimu. Ni ikutwa mwa pilu yaka kuli Ni cwalo, kono ha Ni ka beya kwatuko buima bo bu ni imeza ka bunolo. Mi Ni bata ku libeya kwatuko busihu cwana. Mi, ka sishemo sa Mulimu, Ni ka eza ona cwalo. Uni lapelele kwateni.” Uka nanula lizoho la hao? Mulimu aku fuyole, kalibe. Yomuñwi hape. Fa nako nyana fela, lwa libelezi.

⁹⁷ Halunze lu libelezi ka kukuza, mañi ni mañi cwale ni litoho za mina muinamisize mwa tapelo, ka bunolo ha mu ñuñune cwana cwale.

Kuna ni Siliba se sitezi Mali,
Azwa mwa Misinga ya Emanuele,
Mi baezalibi haba nwela mwateni. . .
Ba tamuluha kwa bumaswe kaufela,
kutamuluha. . .

⁹⁸ Ha u tabeli kunahana sinca cwale? Usike walika ku likasheza kwahule. Kreste u mwa lizoho la hao.

⁹⁹ Pilato na likile, kakusasana kacenu, hamoho cwalo ni sikisi kiloko; kono mazoho a hae a sa tampakanile mali, ki mali a milatu. Mwa ziba ze ne ezahalile ku yena. Naile kwa Switzerland, myaha yemiñata kasamulaho, a lyangana, a yo kenya mwa lifu mwa lisa la mezi. Kakusasana woo mwa Switzerland, mianda anda ya batu batile ku to buha taba yateni, mezi a mubala wa bundilu ashelauka kuzwa kwatasi a musima omutuna wa mezi wani. Baezanga cwalo mwaha ni mwaha. Ki litangu la kale, ba bulela kuli Mulimu na hanezi mezi kutapisa mazoho a hae.

¹⁰⁰ Muzwale, hakuna taba kamba ki linako zekai zo kolobelizwe, kaufela so ka lika kueza, hakuna se si ka kenisa mazoho a hao kwa Mali a Kreste. Mulimu na hanile. Mi mezi a mubala wa bundilu, kasamulaho wa myaha ye likiti zepeli, mane, a sa bila kushelauka. Mulimu a hana. Kuluka kwa hao fela unosi hakukoni kukenisa libi za hao. Hakuna sesiñwi kwanda Mali a Jesu! Munahane ka zona cwale. Luka lapela, fa muzuzu fela.

¹⁰¹ Hanizibi haiba Na swanela kukupa nto yeñwi busihu boo. Ha Na yemi mwa muyaho wa Pilato wa katulo wani, kakusasana cwana, mi ali, “Haiba Mubuso wa Ka ki wa lifasi le, Ne Ni ka bulelela Ndate kuli Alume kapili Mangeloi a Hae akuma fa limpi ze twelufu.” Kanti, alimuñwi wabona na ka kona ku sinya lifasi. “Ne ni ka bulela in Yena, mi limpi ze twelufu za Mangeloi ne lika Ni sebeleza.” Na ka kona kueza cwalo. Kono Na yemo fani, ya ishuwile ni ya ikokobelize, kuli ange lifu la hao ni libi za hao.

¹⁰² Kikuli ukaba ya itumela hande kwa Sitabelo sani busihu boo, mina baba si tokwa luli, ni kutokwa limbuyoti za Mulimu, kana muka kona kuyema cwale ka mahutu kwa tapelo yee? Ha mu yeme fela cwale, mina mubata ku hupulwa mwa tapelo yee, mukli, “Mulimu, ni utwele butuku. Nina ni mulatu, Ni ezize mafosisa aa, mi cwale Ni bata kuamuhela swalelo yaka ka Kreste Jesu.” Kana mwakona kuyema ka mahutu ka nako yee? Mulimu aku fuyole, kalibe wa mwanana. Bo kwateni kona bundume. Aku yeme fela ona cwalo.

¹⁰³ U yalusa kuli u nanuzi lizoho la hao, mi kusina kuba ni buikolwisiso sakata ka kuyema cwalo? Ki bunde bufi bo Evangeli i ezize ku wena? Oh, kubapala ni keleke ko kucwalo, kubapala ni Mulimu! Hola i tuha isutelela cwale, leliñwi la mazazi aa bomba ya atomic ika tibuluha mwa sibaka se kokuñwi, ku sesiñwi sa libaka mo i bulukilwe. Hakuna kuba neba nako nyana iliñwi ya kunahana cwalo. Nako i kabe ifelile cwale, mi mwendi lu si ka fita kale kwa Paseka yetatama, kamba neba yona Paseka ye. Kikuli mu ka yema cwale, muli, “Mulimu, u ni utwele butuku, na nili muezalibi. Na amuhela Kreste, ya na ipile Iliyena kuba sitabelo sa tifo ya libi zaka. Mi ka sishemo sa Hae, ni ka sishemo sa Hae fela, Ni ina Fapila Mulimu.” Uka ipulela bumaswe bwa hao? Ya pata bumaswe bwa hae haana ku

shemubiwa. Ya ipulela libi za hae, uka shemubiwa. Ku itingile kuwena. Haili yena wabona.

¹⁰⁴ Cwale, Mulena luna ya fuyozwi, mwa palo yeswanela busihu cwana kuyemi mioyo yemilalu handende, muuna alimuñwi ni basali bababeli.

¹⁰⁵ Sina Ha ni nahana kuli, Mulena, wa Kalvari, fani alimuñwi wa neku le ni leliñwi, muli, “Mulena, a Ku ni hupule nako Yo taha mwa Mubuso wa Hao”; yomuñwi ali, “Haiba ki Wena, ha lu bone makazo, lu tulukise fa sifapahano mi U ipilise.” Mi yomuñwi abulela kuli, “Mulimu, u ni utwele butuku.” Mi toho ya Hao talima kwa neku la silyo, mi wali, “Kacenu ukaba ni Na mwa paradaisi.” Kono No kuzize ku yomuñwi, kakuli nekusiba kubakela libi.

¹⁰⁶ Mi, Mulimu, Ndate, Ni lapela kuli ba hakulata . . . Ni sepa kuli ki bona fela babalalu mwa muyaho, baba ikutwa kuli kona fela babatokwa kuipulela bumaswe bwabona. Kono bakeñisa kuli batile ka nzila ye ipitezi luli ku ze liteni, yona nzila ya sifapano. Ba swalele, Mulena, mi u ba fuyole. Ba yemi mo busihu cwana; sina mo No ba yemezi nibona, mwa muyaho wa Pilato wa katulo; sina ha No ba yemezi, mwahala Lihalimu ni lifasi, fani lizazi ha li likela ni kweli ne i tima liseli la yona, mi lisila la tempele la pazuha kuzwa fahalimu kutaha fafasi. Na lapela, Mulimu, kuli U ka ba fuyola ni kubafa sishemo sa Hao, ni kuba kenisa ka Mali a Hao. Mi U ba kolobeze ka Mata a Hao a kenisisa, batahe mwa Mubili wa Mwana Hao Tota, yena Krete Jesu, mi ba bulukezwi nako ya Kuyakuile. Fuyola babañwi ba ba i kutwa kuli ba lukile, kuli se ba kwanisize kale mane se baezize kale cwalo. Ni lapela mbuyoti ye kutaha kubona, ka Libizo la Krete. Amen.

¹⁰⁷ Mulimu ami fuyole. Mi mina babayemi fakaufi ni bona baba nanuhile bao, mu ba sutelele ni kuba swala mwa mazoho, yomuñwi, mi muli, “Mulena aku fuyole,” yeo ki niti, kuba lizoho la kutwano.

¹⁰⁸ Se lu liyehile nyana cwale mwa lisebelezozo zaluna. Ki ba bakai babalata Mulena Jesu, munanule lizoho la mina? Ha nizibi, ka kukuza cwale, kamba ka kukutumana fela mo lu konela, mwa kupuzo ya Hae Yena ya mata kaufela, babaliteni mo busihu cwana, haiba lukona kuopela ka bunolo cwana.

Neli kwani kwa sifapano koo Mupulusi waka
na shwezi,
Teni Na lila sibi ha si tapiswa;
Koo pilu yaka (ha no fitile ku ze tokwahala,
wabeya mazoho a hao ku Sona), kwani pilu
yaka ya lambiwa Mali;
Oh, kanya kwa Libizo la Hae!

Ha lu opeleñi ka bunolo cwale, hakunze luinamisa litoho zaluna ku Yena.

Fa sifapahano fana shwezi Mupulusi waka,
Teñi Na lila sibi ha si tapiswa;
Mwa pilu yaka na tozwa Mali;
Kanya kwa Libizo la Hae!

Kanya kwa Libizo la Hae, Libizo lelinde!
Kanya kwa Libizo la Hae lelinde!
Mwa pilu yaka na tozwa Mali;
Kanya kwa Libizo la Hae!

¹⁰⁹ Cwale ka kukuza, ni litoho zaluna liinami cwalo. Mina baba pilisizwe, muli, “Oh . . .” Amu nanule mazoho amina cwale.

Oh, Sibuba sesinde se si piliswa kwa sibi!
Ni tabile hahulu Ni se ni keni;
Koo Jesu ani pilisa ni ku ni kenisisa;
Kanya kwa Libizo la Hae!

Kanya kwa Libizo la Hae lelinde!
Kanya kwa Libizo la Hae lelinde!
Mwa pilu yaka na tozwa Mali;
Kanya kwa Libizo la Hae!

¹¹⁰ Cwale amu wise mazoho amina, litoho zamina liiname ona cwalo. Ni hupuzi fela; kuli kunani ya lizize fa nako nyana, mi ali kun ani yana bata kuhupulwa mwa tapelo busihu cwana, ka mubili wa hae. U palezwi kutaha mwa mukopano wa la Sunda busihu cwana, kwa sebelezo yetuna ya foliso. Hamuyeme cwale ka mahutu, mina mubata ku hupulwa mwa tapelo ona fa cwale?

. . . mwa pilu yaka na tozwa Mali;
Kanya kwa Libizo la Hae!
Kanya kwa . . .

¹¹¹ Cwale ni litoho zamina ze inami. “Sa na holofalezwi ki libi zamina, sana titikezwi ki bumaswe bwamina, koto mi fumanisize kozo iwezi Yena fahalimu, mi ka miupa ya Hae mu folisizwe.”

Kanya kwa Libizo la Hae!

¹¹² Cwale, Ndate ya Fuyozwi, halunze lu atumela sifapano cwale ka buikokobezo, koo muhau ni sishemo si ni fumani, teñi kwani Naleli Yebenya ya Kakusasana ini monyehela liseli la Yona. Bakuli ba bayemi Fapila Hao. Balumela ona fa cwale, kuli ka tumelo, ba talimezi fa mubala o mufubelu wani kwabuse. “Mi ka miupa ya Hae lu folisizwe.” Ndate ya Kenile Kufitisisa, lutaha lubulela tumelo yaluna, lu lumela kuli U ka folisa mibili yaluna, ka manyando amatuna a yemezwi ki Mulena Jesu. Mi lufa sicaba se sona sesiyemi, tapelo ya tumelo, so sepisize Wena kuli uka folisa bakuli. Mi luna, hamoho, ka tamahano ya balumeli ba Hao busihu cwana. U ize, “Kokuna ni bababeli kaufela kamba babalalu bakopani hamoho, Ni kaba mwahala bona.” Mi lu ba kupela sishemo, kuli muhau wa Hao uswale cwale mioyo yabona ya mwahali, kuli sesiñwi si swale hande mwatasi; kuli bakone kuziba kuli Kreste uteni mo mi u ambozi kubona, kuli, “Wena

mwana Ka, Ni ngile matuku a hao kwani kwa Kalvari. Cwale nepela fela lipilaelo za hao ku Na, kakuli Na ku tokomela.” Mi ha ba foliswe, mutalelela kaufela wa kutwisiso, kakuli lukupa ka Libizo la Jesu. Amen.

¹¹³ Mi ha ba ina fafaso cwale, yomuñwi yali bukaufi ni bona, u ba beye mazoho fahalimu, yo ki mutu ya na ba lapelela. Bibeले iize kuli, “Ba ka beya mazoho abona fa fakuli; mi bao ba ka foliswa.” Mulena afuyole.

¹¹⁴ Haiba ha Ni lyangani, Hanili ni talimela muuna ya na folisizwe mo mazazi nyana a kwa mulaho, kamba Lisunda nyana, yanali shushu kamba nto yeñwi cwalo kwa mazebe? Nibona kuli musweli mwaikolwa mukopano busihu boo. Mwa ni teezeza hande cwale? Kinto yende. Kihande! Amu yeme fela ka mahutu fa nako nyana. Ki ba bakai baba hupula hanali mo? Mi afita mwa mukoloko wa kulapelelwa, ba mutisa kwa katala, mi Mulena amu folisa ni ku mueza hande. Kufuyolwe Mulena! Ni itumezi, muzwale, ka bupaki bwa hao. Ikona kuba mwahala likwata kwata! Kono kana ha Kiyomunde nji?

¹¹⁵ Cwale, lubata ku mi bona kamuso busihu, ka kuitahanela. Mi ni la Sunda kakusasana, ka kuitahanela. La Sunda musihali, mi haiba mwakona ku yo kuta kwa sebelezo ya foliso la Sunda busihu. Kufitela lukopana, ha luyemeñi lu opele pina yaluna ya ku lukuluha kayona, “Unge Libizo La Jesu Ko Uya.”

Unge Libizo la Jesu, ko uya,
Mwana wa manyando ni bumai;
Li ka kufa tabo ni nyakalao . . . (Amu fetuhele
kwa silyo ni kuswalana mwa mazoho ni mañi
ni mañi.)

U linge kaufela ko uya.

Libizo Lelinde, (amu fetuhele neku leliñwi ni
kuswala mwa mazoho), Oh, pha ki bunde
niboo!

Sepo ya lifasi ni tabo ya Lihalimu;

Libizo Lelinde, Libizo lelinde, Oh kwa munati!

Kwa munati!

Sepo ya lifasi ni tabo ya Lihalimu.

Cwale amutalime neku lee.

Ka Libizo la Jesu lwa kubama,
Luwa ka mañwele kwa mautu a Hae,
Mulena wa malena mwa Lihalimu lu ka Mu
apesa mushukwe,
Fo musipili wa luna ufela.


Libizo Lelinde, Oh, kwa munati! Oh kwa
munati!

Sepo ya lifasi ni tabo ya Lihalimu;

Libizo Lelinde, O kwa munati! Kwa munati!

Sepo ya lifasi ni tabo ya Lihalimu.

¹¹⁶ Cwale muhupule sikwata sa baopeli ba ha Neville, baopeli babane kakusasana, WLRP, ka naini kiloko. Mi Muzwale Striker utile ka naini-fote-faifi, la Sunda kakusasana. Ne luzwe fela ku mu ezaza tepu musihali woo, ka za zuho.

¹¹⁷ Mi cwale, kufitela lu kopana hape, limbuyoti za Mulena libe ni mina, halunze lu inamisa litho zaluna. Mi Ni ka kupa mulikana yomunde ni muzwale, Muzwale Palmer, yazwa kwa Macon, Georgia, haiba uka kona kulukulula ka linzwi la tapelo, halunze lu lapela. Muzwale Palmer. 

KU PETAHALA LOZ57-0419

(The Perfection)

MUKOLOKO WA LISEBELEZO ZA PASEKA

Liñusa le ka Muzwale William Marrion Branham, neli kotalizwe lwa pili mwa Sikuwa la Bufaifi Lelinde manzibwana, Lungu 19, 1957, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatsiwa kusina kuzusa sika mwa teni kuya Sikuwa. Toloko ye ya mwa Silozi nei hatsizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org